

魏敏果公年譜

魏象樞授

中華書局

叢書集成初編

維揚殉節紀略（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之二

統一書號：ISBN7-101-00894-1/K·367

魏敏果公年譜

此據畿輔叢書本
影印初編各叢書
僅有此本

魏敏果公年譜

學謚

學誠

蔚州魏象樞口授子

學謙

手錄

學訥

萬曆丁巳

九月二十日未時生

戊午二歲

己未三歲

庚申四歲

辛酉五歲

壬戌六歲

父資政公謁選授江西新城主簿以路遠不能攜眷
留母李太夫人暨庶母趙氏理家政兄象懸隨任太
夫人因予幼弱不令就外傳外祖李公諱愛予日
就本家授章句誘掖有法余姿性亦頗能記誦李太
夫人喜甚

癸亥七歲

甲子八歲

學庸語孟三年授讀週遍

乙丑九歲

始令出就外傳從夏台星先生諱相受業習春秋

丙寅十歲

丁卯十一歲

是年資政公陞河南懷慶府經歷未任歸里止攜二
竹箱惟夏布竹篋數件而已予心以資政公抵家爲
喜雨袖清風記憶甚悉

戊辰十二歲

是年予豁然心閒作文卽能成篇夏先生奇之曰此
大器也令同學齒長者閱而愧之自是止呼魏生而

不名

己巳十三歲

庚午十四歲

資政公以予二妹曾許字曹完我先生子雲中完我先生以戊午孝廉任山東商河令歸子屬單丁愛如掌珠自慮老且病一旦朝露庶母不克理家政二妹年十一卽行聘過門從姑寢食理家政妹夫甫九歲延余伴讀館中予亦受完我先生教專志舉業所賴指示甚多是年予初讀鄉墨夏先生所選和嫌其平予另選高奇者自讀之不令先生知也

辛未十五歲

壬申十六歲

癸酉十七歲

資政公與予畢姻娶太學生李公諱經權長女少予
二歲天資厚重善事舅姑日理炊爨無少懈且佐予
讀從無一語忤予者余甚重之

甲戌十八歲

乙亥十九歲

應童子試學院梁眉居先生諱雲構取第一覆試仍
取第一遊泮之日外祖忽以疾病終夏先生相繼而

卒俱未及一拜其闕文之郭宣宇先生選文之郝植
皇社友亦歿均抱慟焉

丙子二十歲

學院林 先生諱銘球科試一等第五名赴省聞
試不中

丁丑二十一歲

州庠習麟經者雖多而精熟惟社友楊泰徵諱振春
一人余講經多藉資焉

戊寅二十二歲

學院張觀濤先生諱宸極歲試一等第一名食廩餼

己卯二十三歲

學院秦聖俞先生諱廷奏科試一等第一名赴省試
春秋房孟淑明先生諱良允得予卷呈堂第七藝批
云兩段雖未醒透擯而惜之不知予爲何地英英也
心切仰慕勉旃勉旃

庚辰二十四歲

同社友閻之秀張暉登玉泉山社讀書互相切劘一
年之間所學大進祇因定省多曠供運食用亦頗艱
遂各散歸

辛巳二十五歲

自山歸家人事漸多學業漸疏學院蔡培自先生諱
鵬霄歲試二等資政公不悅歲將暮呼予名至前欲
語忽默然予久立請所命資政公淚下曰科第是汝
所有但我年近八旬汝放廢荒疏如此吾不及見汝
一第矣吾復何言予聞之泣下如雨跪請罪曰兒願
自來年元旦後閉關讀書半年後博一第以報父命
資政公曰信如此吾何憂遂變悲爲喜

壬午二十六歲

學院蔡培自先生科試一等第一名赴省闈中鄉試
第七十七名房師司李吳橫溪先生諱孳昌大座師

李見可先生諱兆陳詠先先生諱辰誦捷音至資政
公喜極而泣曰吾兒果報吾命矣雖兒之學力實祖
宗之世德也先是宣鎮守道何非鳴先生諱謙者見
予試牘復閱予窗稿曰塞上安得此佳士耶遂懸額
予門曰國士無雙報捷者持小錄呈送先生曰吾且
不閱問蔚州中幾人對曰一人曰可是魏象樞否曰
是遂展小錄大笑重賞之 是年資政公七十九歲
予請明歲不赴禮闈爲八旬大慶資政公不許及謁
何非鳴先生以予意請教先生曰吾有道以兩全之
矣隨於十二月間專役齋書併壽儀預祝八旬訂期

元旦後卽上公車則家慶與場期兩無悞也書中之意諳切如余從之

癸未二十七歲

正月入都時方用兵候至二月場期改於八月舉行
資政公與太夫人遣僕送米麪食物令在京讀書至
三月望後有家信至報資政公感病予卽日出都日
夜兼程於二十一日三更時抵家資政公催執手一
訣次日見背予始悔赴禮闈之大悞也五月喪事甫
畢趙庶母以乳病居別院僕女不戒於火院屋焚遂
罹其災余拮据雨喪季秋卜葬祖塋

甲申二十八歲

余方讀禮卽聞闖賊自秦渡河之信蚤爲太夫人避
亂計蔚城東北有古砦名德勝莊老農李姓居之甚
險余同妹丈張大猷奉太夫人暨夫人李氏避此時
聞闖賊查地方有舉人未仕者起送授僞職余懼不
免遂潛入山中不令家僕知及僞官至蔚查之甚嚴
鄰佑以丁憂具結又稱入山不知去向乃止三月京
師陷五月

本朝定鼎予始出山迎太夫人歸家

乙酉二十九歲

大祥既過家務方艱聞以內太夫人主之余亦不以異日功名爲念時中州江桂菴先生諱禹緒房師吳橫溪先生粵東淩十齋先生諱雲許鷗湄先生諱汝都俱以宦遊投閒僑寓於蔚余有地主誼日追隨倡和秋日理釣無魚此從遊之始賦詩之初也余詩有半竿明月珊瑚冷贏得金鉤照玉鱗之句則無志仕進意可見矣是年長女許聘劉輝宇參戎諱中伋長子天賜亦從桂庵橫溪兩先生命也

丙戌三十歲

正月二十五日州守鄭公瑒報至知二月禮部會試

期

興朝收羅人才不覺聞雞起舞遂辭太夫人上公車初五日入都初六日投文初七日投卷筆墨久荒不敢決勝榜發中三百七十五名大座師剛公諱林祁公諱崇格范公諱文程號現斗馮公諱銓號琢菴房師魏申之先生諱天賞岳明海先生諱映斗是科

殿試後選擇年貌一百餘人

內院復行考試亦如

殿試例題目奏疏律詩各一篇俱出

欽定余得與選授內翰林國史院庶吉士教習師則蔡先

生諱不害蔣先生諱元恆胡菊潭先生諱世安陳生
洲先生諱具慶余習漢書改讀書經再讀易經館師
以初入翰林言志題命賦詩余有上溯羲與軒而及
濂洛澤慷慨天人問區區匪所畫之句館師許之著
有瀛洲草 是年九月迎養太夫人入都李夫人相
從侍奉既至見予體質瘦弱飲食較家鄉大不相宜
深以行年三十尙未立嗣爲慮至歲暮李夫人請於
太夫人爲余置妾娶劉氏處士劉公諱 女也爲
人醇厚寡言性尙儉樸事太夫人能孝李夫人重之
自後經理京邸炊爨事太夫人及余飲食日漸相宜